

Est. 3^e de Mars 1613

H A R A N G V E

(178)

3483

PRONONCEE PAR
Monsieur l'Archeuesque de
Lyon, à l'ouuerture des E-
stats tenus à Paris, en la sale
du petit Bourbon.

M. D. C. XV.

*coll. MS.
15 pp.*

Acc 83-101(178)

THE K. A. N. G. V. E.

THE O. N. C. E. P. A. R.

THE A. L. I. G. N. E. D.

THE F. O. R. M. A. T. I. O. N.

THE P. R. I. N. C. I. P. L. E.

THE B. O. O. K. O. F. T. H. E.

THE A. N. T. I. Q. U. E.

THE M. O. N. A. R. C. H.

THE C. O. N. S. T. I. T. U. T. I. O. N.

THE S. T. R. U. C. T. U. R. E.

THE F. O. U. N. D. A. M. E. N. T.

THE P. R. I. N. C. I. P. L. E.

THE B. O. O. K. O. F. T. H. E.

THE A. N. T. I. Q. U. E.

THE M. O. N. A. R. C. H.

THE C. O. N. S. T. I. T. U. T. I. O. N.


THE S. T. R. U. C. T. U. R. E.

THE F. O. U. N. D. A. M. E. N. T.

THE P. R. I. N. C. I. P. L. E.

THE B. O. O. K. O. F. T. H. E.

THE A. N. T. I. Q. U. E.



*HARANGVE PRO-
noncée par Monsieur l'Ar-
cheuesque de Lyon , à l'ou-
verture des Etats tenus à
Paris , en la Salle du petit
Bourbon.*

I R E,



La felicité de ce
sicle à commencé
par vostre naissance, elle s'est
renouuellée à vostre regne, &
vostre Majorité en a asseuré la
durée: remarque du temps si
salutaire qu'elle porte nos es-
prits au delà du temps, & nous

oblige d'adorer l'eternelle providence de Dieu, qui là ainsi ordonné pour faire cognoistre qu'il vous a mis au monde, afin que vous en foyez l'exemple, la gloire de ceste Couronne, le soulagement & les delices de vos peuples.

Les labeurs Heroïques de HENRY LE GRAND, vostre Pere, la sagesse incomparable de la Reyne vostre Mere, & vos propres vertus, ont seruy de cause seconde à nostre bien. Ce grand Prince d'immortelle memoire à fondé la tranquillité, destruit la diuision, releué la dignité & la splendeur ancienne de la France.

Au coucher déplorable de ce Soleil, ceste Auguste Prin-

cesse vostre mere, par sa magna-
 nimité, estonna le mal-heur,
 d'estourna l'orage, & dissipa
 tous les nuages & les broüillars
 qui en d'autres minoritez a-
 uoyent troublé & obscurcy le
 Ciel de cest estat, qu'elle a de-
 puis maintenu en paix & tran-
 quilité au dedans, en a conser-
 ué & accru la reputation au
 dehors, ses loüanges passent
 nos discours, & sa prudence
 merite le mesme esloge qu'une
 grande lumiere de l'Eglise à
 donné au courage de Debora,
 une veufue gouerne heureu-
 sement les peuples, une veufue
 enuoye les armées, une veufue
 choisit les Capitaines, une ve-
 ue marche en campagne, une
 veue ordonne les triomphes.

Le Ciel qui l'a opposée a nostre malheur, & qui nous l'à donnée par l'heureuse naissance & excellente nourriture de vostre Majesté, luy face voir tref-longues années, la prosperité de vostre personne, & de vostre estat, & vostre regne fortifié, de la continuation de ses conseils, & du bon-heur de sa presence, produise les merueilles que le monde attend de ses genereuses inclinations que vous auez a toutes les vertus.

La pieté est la premiere, aussi est-ce le fondement de toutes les autres, c'est la gloire des Roys, c'est le rampart de leurs estats, en vous elle est desia en sa fleur, le fruiet qu'elle promet remplist nos cœurs d'alegresse,

& nous assure que tant qu'elle
demeurera en vostre ame Roy-
alle , la felicité demeure en
vostre Monarchie. Elle l'a fait
durer plus qu'aucune autre , la
renduë florissante & victorieu-
se, toute la terre à admiré le ze-
le des Roys tres-Chrestiens, au
service de Dieu , & à la prote-
ction de l'Eglise, vous en estes,
SIRE, le premier fils, & les
Prelats & autres Ecclesiastic-
ques, dont est composé le Cler-
gé de vostre Royaume , repre-
senté par ce grand & honno-
rable nombre de deputez qui
sont icy, & qui m'ont chargé de
vous faire ce tres-humble re-
mercymment. Ce sont les dispē-
sateurs de ses sacremens & de
ses misteres, pasteurs de la ber-

gerie de Dieu, interpretes de
ses oracles. Nous auons les ta-
bles de la loy, pour enseigner
aux peuples la crainte de Dieu,
& l'obeissance du Roy, la ver-
ge pour les conduire, la man-
ne pour les nourrir.

Tels que nous sômes, SIRE,
nous sommes vos tres-hum-
bles & obeissans subjects, qui
ayant l'honneur d'estre les pre-
miers entre les ordres de vo-
stre Royaume, ne ferons ia-
mais deuancez en la pureté de
l'affection, en la constance de
la fidelité, & au merite de l'o-
beissance que nous deuons à
vostre Majesté; nous sommes
nez avec ce debuoir, & vos
merires en accroissent tous les
iours l'obligation. Car la pure-
té avec

té avec laquelle vous adorez & seruez Dieu, attire des-jà mille benedictions sur vous, & sur nous, pour l'amour de vous. La felicité d'Auguste est la felicité de l'Empire. La felicité du Roy sert de Ciel au Royaume, cōme le Nil à l'Egypte. Des peuples anciens exigeoient de leur Prince la prosperité, comme chose, disoient-ils, que bien faisant il leur pouuoit obtenir du Ciel, iamais Rome ne sceut honnorer d'auantage les Empereurs qu'en s'attribuāt à leur vertu la felicité de leur siecle.

Ceste pieté, (SIRE) accompagnée de felicité, secondée de la prudence, nous fait esperer que ceste assemblée conuocquée par vostre commande-

ment reüssira à la gloire de Dieu, à l'exaltation de son Eglise, au seruice de vostre Majesté, au bien de cest estat, à ces points auxquels nous auons dressé nos intentions. Nous reduirons aussi le cahier de nos remonstrances que nous tiendrons prest le plus tost qu'il nous sera possible, pour le presenter à vostre Majesté.

Laquelle ne pouuoit entrer dans les annees de sa Majorité, sous les plus heureux auspices pour aller au deuant de tout ce qui pourroit à l'aduenir troubler la felicité, de laquelle en naissant vous fustes obligé à ce siecle. Car vostre Royale authorité applicquee avec effect, aux plaintes & supplications

des Estats , sera vn baulme tres-excellent , dont l'odeur & la fragrance fera courir & redoubler l'amour & l'obeissance de vos subjects , & la vertu guerira & consolidera toutes les playes & blesseures que les troubles & desordres passez ont laissé encor en vostre Estat. La saison ne fust iamais si oportune à bien faire, car Dieu mercy ceste assemblée n'est pas comme ont esté quasi toutes les precedentes, vn remede necessaire à la violence d'un grand & pesant mal. C'est plustost vn bon vent qui arriue a vne douce & tranquille nauigation , adioustant les effects à l'esperance , la constance au bon-heur , & la

seureté au repos.

Les parolles nous manquent pour exprimer le contentemēt & le ressentiment que nous auons de ce bien. Beaucoup moins sont-elles capables de rendre les graces tres-humbles que nous en deuons à vostre Majesté. Il faut que nostre silence parle, que nostre humilité remercie. Nous vous supplions tres-humblement, SIRE, iuger de nos parolles par la veritable affection de nos cœurs, comme en iuge Dieu Tout-puissant, duquel vous estes vne image viuante. Et non pas de nos cœurs par la foiblesse de nos parolles, comme en iugent les hommes, nous ne

respirons que vostre seruice, ne
 souhaittons que vostre con-
 tementement, & vostre grandeur,
 en nous l'ardeur de ceste deuo-
 tion ne s'esteindra iamais, le
 temps ne fera que renflamer,
 l'Eglise ne sçait que c'est d'in-
 constance, c'est l'espouse du fils
 de Dieu, elle à la Lune sous les
 pieds. Et son espoux estant
 l'autheur des iustes & legiti-
 mes dominations, comme est
 la vostre, & ayant commandé
 aux subjects d'aymer, honno-
 rer & obeir leur Roy, receura
 pour sacrifice agreable les
 vœux & prieres tres-ardentes
 que nous luy faisons, & ferons
 tous les iours de nos vies, avec
 tout l'effort de nos cœurs, avec

toute l'affection de nos ames ,
 qu'il luy plaise espancher abon-
 damment ses graces sur vostre
 Majesté: Que vous foyez le plus
 religieux , le plus iuste , & plus
 victorieux Prince qu'aye iamais
 veu le Soleil, que tous vos sub-
 jects vnis au giron de l'Eglise
 par l'exemple de vostre pieté, &
 tout l'Orient vaincu & dompté
 par vos armées , vous remettiez
 la sainte & triumpante Croix
 sur les murailles de Hierusalem.
 Que chery du Ciel & honoré
 du monde vous voyez heureu-
 sement fermer ce siecle , qui
 s'est ouuert à vostre naissance.
 Et qu'en fin à tant de Couron-
 nes qui auront orné vostre chef
 en terre , vous adjoustiez celle

de l'immortalité, dont ioüissent
desia bien-heureux, les Clouis,
les Charlemagnes, les Roberts,
& les Louïs vos predecesseurs,
& qui est preparée dans le Ciel
à tous les Princes qui en leur vie
auront aymé l'Eglise, auront
honoré la religion, & la pieté.

F I N.

les hommes, dont ils ont
été si souvent, les Clous
les charnières, les
& les uns et les autres
et quel est le point dans le Ciel
à tous les Princes du monde
suront ainsi, les uns
bonnet de la religion & la piecé

F. I. N.